

Қазақстан Республикасының Статистика жөніндегі агенттігі

Қазақстан Республикасы
Статистика агенттігі төрағасының
2014 жылғы 6 мамырдағы № 84
бұйрығы. Қазақстан
Республикасының Әділет
министрлігінде 2014 жылы 27
маусымдағы № 9541 тіркелді

Агентство Республики Казахстан по статистике

"Әр шаруашылық бойынша есепке алууды жүргізу және тіркеу жазбаларын жүргізуді ұйымдастыру нысандары бойынша статистикалық әдіснаманы бекіту туралы" Қазақстан Республикасы Статистика агенттігі төрағасының 2010 жылғы 10 маусымдағы № 136 бұйрығына толықтырулар енгізу туралы

«Мемлекеттік статистика туралы» Қазақстан Республикасының 2010 жылғы 19 наурыздағы Заңының 12-бабының 2) тармақшасына және 16-бабының 2-тармағына сәйкес, **БҰЙЫРАМЫН:**

1. «Әр шаруашылық бойынша есепке алууды жүргізу және тіркеу жазбаларын жүргізуді ұйымдастыру нысандары бойынша статистикалық әдіснаманы бекіту туралы» Қазақстан Республикасы Статистика агенттігі төрағасының 2010 жылғы 10 маусымдағы № 136 бұйрығына (Нормативтік құқықтық актілерді мемлекеттік тіркеу тізілімінде № 6334 болып тіркелген, 2010 жылғы 11 тамыздағы № 326-327 (26170) «Егемен Қазақстан» газетінде жарияланған) мынадай толықтырулар енгізілсін:

көрсетілген бұйрықпен бекітілген Әр шаруашылық бойынша есепке алууды жүргізу және тіркеу жазбаларын жүргізуді ұйымдастыру нысандары бойынша статистикалық әдіснама:

мынадай мазмұндағы 21-тармақпен толықтырылсын:

«21. Әр шаруашылық бойынша есепке алу кітабы мемлекеттік статистика саласындағы уәкілдегі орган әзірлеген бағдарламалық қамтамасыз етуді пайдалана отырып, бір уақытта электронды түрде жүргізіледі.»;



«ЗКАИ» ШЖК РМК лауазымды тұлғаның ЭЦК мәліметі бар QR-код



КР НҚА ЭББ-гі накты құжатқа сілтеу QR-коды

мынадай мазмұндағы 3, 4 тараулармен толықтырылсын:

«3. Эр шаруашылық бойынша есепке алу деректерінің дәйектілігіне нақтылауды жүргізу тәртібі

22. Эр шаруашылық бойынша есепке алу деректерінің дәйектілігіне нақтылауды аумақтық статистика органдарының лауазымды тұлғалары мынадай бағыттар бойынша жүзеге асырады:

1) Эр шаруашылық бойынша есепке алуды жүргізудің осы әдіснаманың талаптарына сәйкестігі;

2) әр шаруашылық бойынша есепке алу кітаптарындағы жазбаларды тұрғын үй қоры статистикалық тіркелімінің (бұдан әрі - ТҚТ) деректерімен өзектендіру мақсатында салыстырып тексеру және нақтылау;

3) әр шаруашылық бойынша есепке алу кітаптарындағы жазбаларды ұсынылған 2012 жылғы 10 тамыздағы Қазақстан Республикасы Статистика агенттігі төрағасының № 209 бұйрығымен бекітілген, № 7900 нормативтік-құқықтық актілермен мемлекеттік тіркеу реестрінде тіркелген «Үй шаруашылықтарындағы мал мен құстар, ауылшаруашылық техникасының және құрылыштардың нақты бары туралы мәліметтер» (коды 1761103, индексі 7-ж (халық), -кезеңділігі жартыжылдық) (бұдан әрі - 7-ж статистикалық нысан) және «Үй шаруашылықтарында пайдаланатын жердің бары туралы мәліметтер» жалпы (коды 1771104, индексі 7-р (халық), кезеңділігі жылдық (бұдан әрі - 7-р статистикалық нысан) ұсынылған жалпы мемлекеттік статистикалық байқаулардың статистикалық нысандарымен нақтылау;

4) Үй шаруашылықтарына бару кезінде Қазақстан Республикасы Үкіметінің 2009 жылғы 31 желтоқсандағы № 2331 қаулысымен бекітілген Ауыл шаруашылығы жануарларын бірдейлендіру ережесіне сәйкес толтырылатын ауылшаруашылығы жануарларын бірдейлендіру жөніндегі деректер қорындағы (бұдан әрі – АШМБ ДК) бар ақпаратты қолданып, әр шаруашылық бойынша есепке алу кітаптарындағы жазбаларды салыстырып тексеру және нақтылау.

23. НАҚТЫЛАУДЫ ЖҮЗЕГЕ АСЫРУ ҰШІН АУМАҚТЫҚ СТАТИСТИКА ОРГАНДАРЫНА ТИІСТІ облыс әкімдігінің басшылығымен келісім бойынша жыл сайын осы Әдіснаманың 5-қосымшасына сәйкес нысан бойынша Эр шаруашылық бойынша есепке алу деректерінің дәйектілігіне нақтылау жүргізу кестесі (бұдан әрі - Кесте) бекітіледі.

Кестеде есепті жылдың 15 қаңтарынан 15 маусымына дейін және 15 шілдесінен 15 желтоқсанына дейін ай сайын жүргізілетін Нақтылауды өткізу орны мен мерзімі көрсетіледі. Кезекті есепті жылға арналған кесте алдыңғы есепті жылдың 25 желтоқсанына дейін құрастырылады және бекітіледі.

24. Есепті жыл ішінде тиісті облыстардың барлық аудандарын Нақтылаумен қамтылады Есепті жылды Нақтылау жүргізу үшін аралауға жататын кент, ауыл, ауылдық округтердің санын тиісті облыстың аумақтық статистика органының басшысы анықтайды, бірақ облыстың кенттерінің, ауылдарының жалпы санынан 50 пайыздан кем болмауы керек.

Нақтылауды жүргізу жұмысы екі кезең бойынша жүргізіледі.

25. Бірінші кезенде жұмыс жүргізу тәртібі өзіне әр шаруашылық бойынша есепке алуды жүргізудің Әдіснаманың талаптарына сәйкесіздіктерін анықтау, әр шаруашылық бойынша есепке алу кітаптарындағы жазбаларды ТҚТ деректерімен және 7-м және 7-ө статистикалық нысандарында тапсырылған алғашқы статистикалық деректермен салыстыру жұмыстары жүргізіледі.

Әр шаруашылық бойынша есепке алу кітаптарының барлық бөлімдері бойынша оның толтырылуы, сонымен бірге өшірілген, түзетілген айғақтардың болуы, үй шаруашылығының иесі қолының болмауы, дербес шоттың нөмірі, кәмелетке толған үй шаруашылығы мүшесінің ЖСН-і болмауы, жынысының, ұлтының, туған жылдының, қайтыс болған күнінің, некеде болуы, келген және кеткен күні туралы, білімі туралы, жұмыспен қамтылу жағдайы туралы деректердің көрсетілмеуі, күнкөрістің қаражат көздері, жер - кадастр кітабы бойынша нөмірінің, үйдің сәйкестендіру кодының қойылмауы тұрғысында көзben шолу жүргізіледі.

Әр шаруашылық бойынша есепке алу кітабының «1 қантардағы тұрғын үй жағдайлары» II бөлімі бойынша жазбалар ТҚТИ деректерімен салыстырылады. Бұл салыстыруды жүргізу үшін аумақтық статистика органдары нақтылаумен қамтылған елді мекен бойынша тұрғын үйлердің тізбесін алдын ала қалыптастырады. Қазақстан Республикасы Үкіметінің 2009 жылғы 31 желтоқсандағы № 2336 қаулысымен бекітілген Қазақстан Республикасының тұрғын үй қорын мемлекеттік есепке алу ережесінің 3-қосымшасына, Кестеге (осы Әдіснаманың 5-қосымшасына) сәйкес ТҚТ жүргізу жөніндегі ақпараттық жүйеден тұрғын үйлердің тізбесі қалыптастырылады. Үйдің сәйкестендіру коды

бойынша ТҚТ деректерімен салыстырып тексеру кезінде жалпы және тұрғын алаң көлемінің, тұрғын үй түрінің, тұрғын үйдің меншік түрінің, бөлме санының, сыртқы қабырға материалдарының, тұрғын үйжайды абаттандырудың (электр, су құбыры, ыстық сумен қамтамасыз ету, көріз, ванна, себізгі, ЖЗО-дан жылыту, жеке қондырғыдан жылыту, газ (табиғи, шеттен әкелінген), электроплита, жеке су жылытқыштан ыстық сумен жабдықтау, пештен жылыту) сәйкестігіне жазбаларды салғастыру жүзеге асырылады.

Әр шаруашылық бойынша есепке алу кітабының «1 қантардағы кенттің, ауылдық округтің шегінде немесе шегінен тыс жалға берілген (алынған) жеке меншіктегі жер» III-бөлімі бойынша деректер 7-ө статистикалық нысанда ұсынылған деректермен салыстырылады. Салыстырып тексеру үшін әр шаруашылық бойынша есепке алу кітаптарындағы (ауылшаруашылық дақылдарының тұрлери бойынша аланы) тиісті қунге белгілі елді мекен бойынша толтырылған көрсеткіштерді қосу жүзеге асырылады. Әр шаруашылық бойынша есепке алу кітаптарындағы толтырылған көрсеткіштер бойынша алынған қосынды 7-ө статистикалық нысанда тапсырылған тиісті көрсеткіштерімен салыстырылады.

Әр шаруашылық бойынша есепке алу кітаптарының «Шаруашылықтың жеке меншігі болып табылатын мал (басы), ағымдағы жылғы 1 қантардағы және 1 шілдедегі жағдай бойынша» IV бөлімі бойынша, «Ауыл шаруашылығы өнімдерін қайта өндөуге арналған ауыл шаруашылығы техникалары мен жабдықтарының бары туралы мәліметтер» V бөлімі бойынша, «1 қантардағы ауыл шаруашылығы өнімдерін сақтауға және мал ұстауға арналған құрылыштар, басқа да құрылыштар» VI бөлімі бойынша деректер 7-м статистикалық нысанының деректерімен салыстырылады;

Әр шаруашылық бойынша есепке алу кітабының (ауылшаруашылық мал тұрлери бойынша мал басы) IV бөлімі бойынша салыстырып тексеруді жүргізу үшін тиісті қунге белгілі елді мекен бойынша толтырылған көрсеткіштерді жинақтау жүзеге асырылады;

Әр шаруашылық бойынша есепке алу кітабының (ауылшаруашылық техникасы және жабдықтары тұрлери бойынша, сонымен қатар ауылшаруашылық құрылыштарының тұрлери бойынша саны) V және VI бөлімдеріне сәйкес салыстырып тексеруді жүргізу үшін тиісті қунге белгілі елді мекен бойынша толтырылған көрсеткіштерді жинақтау жүзеге асырылады;

Әр шаруашылық бойынша есепке алу кітаптарындағы толтырылған көрсеткіштер бойынша алғынған қосынды (белгілі елді мекен бойынша тиісті күнге) 7-м статистикалық нысанында тапсырылған тиісті көрсеткіштермен салыстырылады.

Орта елді мекендерде (200 үй шаруашылығынан астам) әр шаруашылық бойынша есепке алу кітаптарының III, IV, V және VI бөлімдерінің әрқайсысы бойынша салыстырып тексеруді жүргізу үшін 2-3 негізгі көрсеткіш іріктеледі, сол көрсеткіш бойынша жинақтау және 7-о және 7-м статистикалық нысандарында ұсынылған тиісті көрсеткіштермен одан әрі салыстыру жүзеге асырылады;

26. Екінші кезеңдегі жұмыстарды жүргізу тәртібі Қазақстан Республикасы Үкіметінің 2009 жылғы 31 желтоқсандағы № 2331 қаулысымен бекітілген Ауыл шаруашылығы жануарларын бірдейлендіру ережесіне сәйкес өзіне толтырылатын ауыл шаруашылығы жануарларын бірдейлендіру жөніндегі деректер қорындағы (бұдан әрі – АШМБ ДК) бар ақпаратты пайдаланып, әр шаруашылық бойынша есепке алу кітаптарындағы жазбаларды үй шаруашылықтарына іріктеу арқылы бару жолымен салыстырып тексеру жөніндегі жұмыстарды жүргізу қамтылады.

Аумақтық статистика органының лауазымды тұлғасы қарапайым кездейсоқ іріктеу әдісімен іріктеп, баруға жататын үй шаруашылықтарының саны мен тізбесін анықтайды. Иріктеме арнайы бағдарламалық қамтамасыз етудің (SPSS, R) көмегімен жүзеге асырылады. Иріктеме мөлшері шағын елді мекенде (200 үй шаруашылығынан аз) 10%-ды құрауы керек, орта елді мекенде (200 үй шаруашылығынан көп, бірақ 1000-нан көп емес) іріктеме мөлшері 3%-дан 5%-ға дейін, бірақ 20 үй шаруашылығынан кем емес, ірі елді мекендерде (1000 үй шаруашылығынан астам) іріктеме мөлшері 1-3% құрайды, бірақ елді мекендегі барлық үй шаруашылықтарының санынан 20 үй шаруашылығынан кем болмауы тиіс.

Аумақтық статистика органының лауазымды тұлғасы ветеринария саласындағы маманмен бірлесіп (келісім бойынша) бару үшін іріктеліп алғынған үй шаруашылықтарының тізбесі бойынша әр шаруашылық бойынша есепке алу кітабының деректерін АШМБ ДК көрсеткіштерімен мал түрі және саны бойынша салыстырып тексеруді жүзеге асырады. АШМБ ДК үй шаруашылығы иесінің немесе мүшесінің тегі, аты-жөні бойынша іздеу жүргізіледі. Бұдан әрі әр шаруашылық бойынша есепке алу кітабының IV-бөлімінде көрсетілген ауыл

шаруашылығы малының жасы және жыныстық топтары бойынша саны АШМБ ДҚ-дағы ауыл шаруашылығы малының жасы және жыныстық топтары бойынша жазбалар санымен салыстырылады. Ауыл шаруашылығы малының түрі мен санын нақты үй шаруашылығы бойынша ағымдағы жылғы 1 қаңтардағы және 1 шілдедегі жағдай бойынша әр шаруашылық бойынша есепке алу кітабының деректерін салыстырып тексеру ағымдағы жылғы 1 қаңтардан және 1 шілдеден кейін болған ауылшаруашылығы малының қозғалысын (сатып алынуын, төлденуін және қатардан шығуын) есепке ала отырып жүзеге асырылуы қажет. Ауыл шаруашылығы малы қозғалыстарын есепке алу үшін АШМБ ДҚ «Есепке алу күні» және «Есептен шығару себебі» бағаналарындағы ақпарат пайдаланылады.

Әр шаруашылық бойынша есепке алуудың тіркеу жазбаларын салыстырып тексеру және олардың дәйектілігін растау үшін кенттің, ауылдың, ауылдық округтің әкімі немесе әкімдігінің, аумақтық статистика органдарының лауазымды тұлғаларының қатысуымен және ветеринар саласындағы маманымен (келісімі бойынша) ірікте алынған үй шаруашылықтарына бару жүзеге асырылады.

Ірікте алынған үй шаруашылықтарына бару кезінде әр шаруашылық бойынша есепке алуудың тіркеу жазбаларын салыстыру:

ауыл шаруашылығы малын нақты қайта есептеу арқылы. Егер нақты қайта есептеуді жүзеге асыру мүмкін болмаған жағдайда, салыстырып тексеру ауылшаруашылығы мал басының нақты бары туралы үй шаруашылығының иесі немесе осы шаруашылықтың қемелетке толған мүшесінен сұрау арқылы;

картоп, көкөністер және жеміс-жидек дақылдарына арналған егістік аландарын өлшеу арқылы жүргізіледі.

Ауыл шаруашылығы малдарының саны және түрлері бойынша салыстырып тексеруді жүргізу кезінде ауылшаруашылығы малдарының ағымдағы жылғы 1 қаңтардан және 1 шілдеден кейінгі болған қозғалысы (сатып алынуы, төлденуі және қатардан шығуы) есепке алынады.

27. Нақтылауды жүргізу қорытындысы бойынша аумақтық статистика органдарының лауазымды тұлғалары осы Әдіснаманың 4-қосымшасына сәйкес міндettі түрде әр шаруашылық бойынша есепке алу нысандары бойынша тіркеу

жазбаларының сәйкесіздігі немесе сәйкестігі туралы акт (бұдан әрі - Акт) жасайды. Акт екі данада жасалады. Актінің бір данасы ауылдық округтің әкімдігінде, екіншісі аумақтық статистика органында қалады.

28. Эр шаруашылық бойынша есепке алуды жүргізудің Әдіснаманың талаптарына сәйкесіздігі бөлігіндегі бұзушылықтар, сондай-ақ АШМБ ДҚ-дағы деректермен сәйкесіздіктері анықталған жағдайда айқындалған бұзушылықтар мен сәйкесіздіктер туралы ақпаратты аудандық статистика органдарының лауазымды тұлғалары қорытынды анықтамада көрсетеді және облыстық статистика департаменттеріне жібереді.

29. Дәйексіз алғашқы статистикалық деректерді ұсыну анықталған кезде 7-м және 7-е статистикалық нысандарын ұсынуға жауапты тұлғаларға қатысты аумақтық статистика органдарының лауазымды тұлғалары «Әкімшілік құқық бұзушылық» туралы Қазақстан Республикасы Кодексіне сәйкес әкімшілік құқық бұзушылық туралы хаттама толтырады.

30. ТҚТ өзектендіру үшін әкімшілік деректерді уақтылы ұсынбау, дәйексіз деректерді ұсыну анықталған жағдайда әр шаруашылық бойынша есепке алу кітаптарын жүргізуге жауапты тұлғаларға қатысты аумақтық статистика органдарының лауазымды тұлғалары «Әкімшілік құқық бұзушылық туралы» Қазақстан Республикасы Кодексіне сәйкес әкімшілік құқық бұзушылық туралы хаттама толтырады.

4. Әр шаруашылық бойынша есепке алу деректерінің дәйектілігіне жүргізілген мемлекеттік нақтылаудың қорытындылары бойынша деректерге өзгерістер енгізу және ақпаратты ұсыну тәртібі

31. Кент, ауыл, ауылдық округ әкімі Нақтылау барысында айқындалған бұзушылықтар туралы ақпаратты алған кезінде, бұзушылықтардың Актіде көрсетілген мерзімде жойылуын тиісті орындауды қамтамасыз етеді.

32. Аудандық статистика басқармалары тиісті облыстың аумақтық статистика органдарына ай сайын келесі айдың 3-ші күніне дейінгі мерзімде осы Әдіснаманың 6-қосымшасына сәйкес Актілер мен жүргізілген нақтылау туралы ақпарат жолдайды.

33. Жергілікті атқарушы органдардың лауазымды тұлғаларын әкімшілік жауапкершілікке тарту мүмкін болмаған жағдайда, статистика органдары актілерді алған күнінен бастап 5 күнтізбелік ішінде іс материалдарын қарау және

әр шаруашылық бойынша есепке алууды жүргізуге жауапты лауазымды тұлғаларды тәртіптік жауапкершілікке тарту үшін аудандардың әкімдіктеріне жолдайды.

34. Бұзушылыққа жол берген лауазымды тұлғаларға қатысты қолданылған шаралар туралы ақпаратты, атап айтқанда тәртіптік жауапкершілікке тартылғандар туралы бұйрықтың көшірмесін немесе тәртіптік жауапкершілікке тартуға мүмкіндіктің болмау себептері туралы ақпаратты аудандардың әкімдіктері Нақтылау қорытындылары туралы ақпарат алған күнінен бастап 3 жұмыс күні ішінде аумақтық статистика органдарына ұсынуы тиіс.

35. Нақтылаудың қорытындылары бойынша аумақтық статистика органдары есепті тоқсаннан кейінгі 10 жұмыс күні ішінде тиісті облыс Әкімінің атына айқындалған бұзушылықтар туралы ақпаратты, тәртіптік жазаға тарту туралы аудандық әкімдіктердің жауаптарын қоса бере отырып тоқсан сайын жолдайды.

36. Эр шаруашылық бойынша есепке алу деректерінің дәйектілігіне нақтылауды жүргізу қорытындысы бойынша ауылдық округтердің жауапкершілікке тартылған әкімдері туралы ақпаратты аумақтық статистика органдары есепті тоқсаннан кейінгі 15 жұмыс күні ішінде Қазақстан Республикасы Статистика агенттігіне осы Әдіснаманың 7-қосымшасына сәйкес жолдайды.

Бұдан басқа, 7-қосымшаға сәйкес аумақтық статистика органды ұсынатын ақпаратқа айқындалған бұзушылықтар мен сәйкессіздіктердің сипаты туралы, қабылданған әкімшілік және тәртіптік жазалау шаралары туралы жинақталған мәліметтер ұсынылады.»;

Осы бұйрықтың 1, 2, 3-қосымшаларына сәйкес 5, 6, 7-қосымшалармен толықтырылсын.

2. Қазақстан Республикасы Статистика агенттігінің Тіркелімдер және жарияланымдар департаменті Заң департаментімен бірге заңнамамен белгіленген тәртіpte:

1) осы бұйрықты Қазақстан Республикасы Әділет министрлігінде мемлекеттік тіркеуді қамтамасыз етсін;

2) осы бұйрық Қазақстан Республикасы Әділет министрлігінде мемлекеттік тіркелгеннен кейін оны он құнтізбелік күннің ішінде бұқаралық ақпарат құралдарында ресми жариялауга жолдасын;

3) осы бұйрықты Қазақстан Республикасы Статистика агенттігінің интернет-ресурсында міндettі жариялауды қамтамасыз етсін.

3. Осы бұйрықтың орындалуын нақтылау Қазақстан Республикасы Статистика агенттігі төрағасының жетекшілік ететін орынбасарына жүктелсін.

4. Осы бұйрық алғашқы ресми жарияланған күнінен бастап он құнтізбелік күн өткен соң қолданысқа енгізіледі.

Қазақстан Республикасы
Статистика агенттігінің төрағасы
"КЕЛІСІЛГЕН"
Қазақстан Республикасы
Ауыл шаруашылығы министрі
А.С. Мамытбеков _____
2014 жылғы 28 мамыр

Ә. Смайлов

Қазақстан Республикасы
Статистика агенттігі төрағасының
2014 жылғы 6 мамырдағы
№ 84 бұйрығына 1-қосымша
Әр шаруашылық бойынша есепке алууды
жүргізу және тіркеу жазбаларын
жүргізуді ұйымдастыру нысандары
бойынша статистикалық әдіснамаға
5-қосымша

Нысан

Келісілді: Бекітемін
облысының әкімі Аумақтық органның
(немесе оның міндетін атқарушы) басшысы

ТА.Ә. Т.А.Ә.
20 ж. «__» 20 ж. «__»

**облысы бойынша 20 жылға арналған Әр
шаруашылық бойынша есепке алу деректерінің дәйектілігіне нақтылау
жүргізу кестесі**

p /c №	Ауданың атауы	Баруга жататын		Жүргізу кезеңі (ауди)	Статистика органдарынан қатысатын қызмет- керлер саны
		ауылдық округтер (атауы)	кенттер, ауылдар (саны)		

Қазақстан Республикасы
Статистика агенттігі төрағасының
2014 жылғы 6 мамырдағы
№ 84 бұйрығына 2-қосымша
Әр шаруашылық бойынша есепке алууды
жүргізу және тіркеу жазбаларын жүргізуді
үйымдастыру нысандары бойынша
статистикалық
әдіснамаға 6-қосымша

Нысан

**Әр шаруашылық бойынша есепке алу деректерінің дәйектілігіне нақтылау
жүргізу туралы 20__ жылғы_____ жағдай бойынша ақпарат (айы)**

Облыс _____

Аудан _____

Кент, ауыл, ауылдық округ _____

р /н №	Елді ме- кенниң (кенттін, ауылдың, ауылдық округтін) атауы	Үй ша- руа- шы- лықта- ры- ның жапы саны	Бірінші кезенде анықтал- ған сей- кессіздік- тер саны	Екінші ке- зенде бар- ған үй ша- руашы- лықтары- ның саны	Сәйкессіз- діктер ай- қындалған үй шаруа- шылықтары- ның саны	Бұзушылықтарды жою бойынша қабылданған шаралар (әр шаруашылық бойынша кітапқа өзгерістер енгізілді, акт жазылды, әкімшілік жаза колданылды, корытынды анықтама бойынша тәртіптік жауапкершілікке тартыл- ғандар)
A	B	1	2	3	4	5
	Барлығы					

Қазақстан Республикасы
Статистика агенттігі төрағасының
2014 жылғы 6 мамырдағы № 84
бүйріғына 3-қосымша

Әр шаруашылық бойынша есепке алууды
жүргізу және тіркеу жазбаларын жүргізуді
ұйымдастыру нысандары бойынша
статистикалық әдіснамаға 7-қосымша

**Әр шаруашылық бойынша есепке алу деректерінің дәйектілігіне нақтылау
жүргізу қорытындылары бойынша әкімдерді жауапкершілікке тарту туралы**

20__ жылғы ____ тоқсан бойынша ақпарат

Облыс

р /с №	Облыс ауда- нының атауы	Ауылдық округтердің саны			Үй шаруашылықтарының саны		Тартылған тұлғалар саны	
		бар- лы- ғы	бары- лғаны	сәйкесіздіктер анықталғаны	бары- лғаны	сәйкесіздіктер анықталғаны	әкімшілік жауап- кершілікке	тәртіптік жауап- кершілікке
A	B	1	2	3	4	5	6	7
	Барлығы							